

Kia mataara: Qarauna na kuvu ni deni waluvu, soso se na qele

Na kuvu ni deni waluvu, soso kei na qele ena rawa ni vakacacana na nomu bula kevaka o sega ni qaqarauni. E leqataki sara vakalevu ke curuma nomu yatevuso se na nomu icedu na kuvu ni qele kei na soso ni waluvu. Ena rawa sara ga ni vakacacana na nomu yatevuso. Ke sinai na lomamu na luka qai leka na nomu icedu qori era ivakatakilakila kece mera qarauni.

Mo kua ni gole ena vanua e levu kina na kuvu wili kina nomu:

- Kevaka e rawa, tiko ga e loma kevaka e levu na kuvu e tautuba, sogota na katubaleka se kevaka e tiko nomu vakabatabata ni cagi, raica me veisautaka tiko ga na cagi e loma, me kua ni curu mai na kena e tautuba.
- Kakua ni vakaukauwa yago e tautuba kevaka e levu na kuvu.
- Mo vakadeitaka ni sega ni levu na kuvu ena vanua ni nomu vakacegu, kana se na vanua o moce kina.
- Daramaka na iyaragi dodonu ni cakacaka ni o sasamaki ena gauna e levu kina na kuvu. E kovuti ena tikidua ni "Tataqomaki ni o Sasamaki ena Waluvu" na veika mo na daramaka mo taqomaki iko kina.

Kevaka ena dredre mo taqomaki iko mai na kuvu ni qele:

- Daramaka e dua na iubi ni gusu kei na ucu! Na itataqomaki vinaka duadua na kena e ubia vinaka na gusu kei na ucu na P2 kei na N95. E rawa tale ga ni vakayagataki na iubi ni gusu kei na ucu e dau vakayagataki ena veisele.
- E dodonu mera dara ga na iubi ni gusu kei na ucu na gone kevaka era sa sivia na yabaki 2. Kevaka era se gone, mo saga mo tarovi ira mera kua ni lakova na vanua e levu kina na kuvu.
- Raica me veirauti vinaka na iubi ni gusu kei na ucu. Na kena wadrega me vakadre ena ulumu kei na ruku ni daligamu.
- Sosomitaka na iubi ni gusu kei na ucu ke gadrevi mo rawa ni taqomaki tiko ga.

- Mo tovolea mo kua ni muria e levu na motoka ena gaunisala kuvu, mo vakamalua tale ga ena vanua e levu kina na deni waluvu. Ni vakalailaitaki na totolo ni motoka mai na 30 kilomita dua na aua ina 15 na kilomita dua na aua ena veivuke me kua ni yaco ena katubaleka na kuvu ni gaunisala.

Kevaka o sega ni rawa ni kauta laivi vakatotolo na deni waluvu, tovolea mo:

- Vakasuasuataka.
- Ubia na deni waluvu me kua kina ni mamaca qai cagina wavoki.
- Biuta wavoki na ilati ni cagi me kua kina ni cagina wavoki na deni waluvu.



Kevaka o lomaleqataka na veika e vakavuna na kuvu ni qele ena nomu bula, qirita na **Talevoni ni Bula ena 0800 611 116.**